

陶雲汀先生奏疏

奏疏卷四十八目錄

江督稿

安化陶澍

請獎敘兩淮捐賑各商摺子

委署南贛總兵印務摺片

估乞宿州運糧河道摺子

查鹽委員請註銷部選畱省先陞摺片

孟瀆等河工竣驗收摺子

挑河工竣請獎敘出力官紳董事摺子

請將糶變米價銀兩畱爲奏挑劉河之用摺片

三進軍船灌塘放渡情形摺子

擧獲強搶盜犯督率審辦摺片
籌議洪澤湖移設都司摺子

重運漕船全數渡黃完竣摺子

額請

陛見摺子

請獎敘兩淮捐賑各商摺子

奏爲兩淮商捐銀穀協濟揚屬災黎查明捐輸商
名懇

恩分別獎敘以示鼓勵仰祈

聖鑒事竊照道光十一年揚州所屬各州縣被水成
災較重該府爲水陸通衢乏食貧民來往尤衆
據淮南辦運商人黃濛泰等公同集議情願捐
繳銀五萬兩竝酌撥鹽義倉穀五萬石以備揚
屬災區冬春接濟及資送流民回籍之用飭據
揚州府按照各州縣災分輕重均勻派撥具領

散給經臣會摺具

奏因鹽義倉穀存貯日久礙難碾食只動撥穀二萬八百二十石八斗一升其餘穀石經各商一律捐銀折色散放計先後共捐銀十一萬九千八百八十一兩九錢二分均係各商按照請運之多寡量力捐繳現銀隨時飭發濟用竝不由庫動墊共放過庫平銀四萬八千二百一兩三錢又折色穀價庫平銀二萬七千四百二十八兩四錢二分九釐本色穀二萬八百二十石八斗一升已據各屬先後開具領放銀穀數目清

冊分別轉詳覈銷各在案伏查前經

欽差工部尙書朱士彥等以向來辦理災務地方官勸捐之時惟恐人數之少議敘之時每嫌人數之多以致不能上達殊不足以示獎勵此次災區較廣捐輸助賑俱屬急公慕義請俟事竣卽行覈實具奏請

旨加恩等因欽奉

上諭飭令查明捐銀三百兩以上並無身家不清及出力之紳士例應議敘者於賑務告竣之日卽行加結申送覈實具奏等因欽此當卽欽遵轉飭各

商將捐輸商名銀數開冊呈送以憑查覈請獎
去後茲據兩淮鹽運使俞德淵詳據辦運商人
將捐銀花名年貌及實捐銀數註明三代籍貫
捐職事例年月日期分晰開造清冊由司覈明
所捐銀兩均與庫收底簿相符造冊詳請具

奏前來

臣

覆覈無異除捐數在三百兩以下由外

酌獎外所有捐銀一萬兩以上之不論雙單月
卽用員外郎許維捐職理問議敘提舉職銜包
國琪捐職州同鍾汝成捐銀七千兩以上之捐
職理問姚有恭捐銀五千兩以上之捐職理問

黃至增王訓捐職州同莊第進由州同加捐同
知職銜支方春捐職理問王璽捐職州同張廷
棟捐職布政司經歷包國璣捐銀四千兩以上
之前次道光八年由江省捐賑議敘未入流趙
衷捐銀二千兩以上之捐總通判鄒祖培捐職
布政司經歷高厚滋捐職布政司理問戴存松
捐銀一千兩以上之捐職鹽大使陳以敬捐銀
三百兩以上之捐職州同黃寵懋不論雙單月
卽用通判丁兆慶等十八員均應請

旨勅部照例分別議敘又捐銀一萬兩以上之俊秀

黃錫麒捐銀三千兩以上之俊秀尉煥英捐銀二千兩以上之監生徐璘捐銀一千兩以上之監生陳世福俊秀張涪王德潤陸文焯祝德文捐銀三百兩以上之俊秀鮑眉松查有熙吳華墉王杲明王恭泰張昌祚蔡莖李文魁趙志佑李淳康張開元張開第程增錢夢弼高名揚虞繩祖童生經政海等二十五名並請

勅部分別給予議敘以示獎勵除冊送部查覈外謹會同江蘇撫臣林則徐合詞具

奏伏乞

皇上聖鑒訓示施行再前項銀穀係屬商捐其餘剩銀兩前經

奏明撥給泰屬各場今春接濟竈丁按亭折放穀價之用請免造冊報部至捐輸商名內本係職員生監毋庸再行取結其餘俊秀應飭原籍州縣出具身家清白切結由司加結另行補送合併陳明謹

奏

道光十三年五月十六日具

奏六月十四日奉到

硃批另有旨欽此同日奉到五月二十九日內閣奉
上諭陶澍奏請鼓勵兩淮捐賑各商一摺道光十一
年揚州所屬各州縣被水成災情形較重經淮南
辦運商人等捐銀撥穀以資接濟茲據該督查明
該商等急公慕義踴躍捐輸洵堪嘉尚所有捐銀
一萬兩以上之不論雙單月卽用員外郎許維捐
職理問議敘提舉職銜包國琪捐職州同鍾汝成
捐銀七千兩以上之捐職理問姚有恭捐銀五千
兩以上之捐職理問黃至增王訓捐職州同莊第
進由州同加捐同知職銜支方春捐職理問王璽

捐職州同張廷棟捐職布政司經歷包國璉捐銀
四千兩以上之議敘未入流趙衷捐銀二千兩以
上之捐納通判鄒祖培捐職布政司經歷高厚滋
捐職布政司理問戴存松捐銀一千兩以上之捐
職鹽大使陳以敬捐銀三百兩以上之捐職州同
黃寵懋不論雙單月卽用通判丁兆慶等十八員
均著加恩交部照例分別議敘其捐銀一萬兩以
上之俊秀黃錫麒捐銀三千兩以上之俊秀尉煥
英捐銀二千兩以上之監生徐璘捐銀一千兩以
上之監生陳世福俊秀張涪王德潤陸文焯祝得

文捐銀三百兩以上之俊秀鮑眉松查有熙吳華
埔王杲明王恭泰張昌祚蔡堃李文魁趙志佑李
淳康張開元張開第程增錢夢弼高名揚虞繩祖
童生經政海等二十五名均著加恩交部分別給
予議敘以示鼓勵此項銀穀係屬商捐所有餘剩
銀兩前據該督奏明撥給泰屬各場接濟竈丁按
埠折放穀價之用著免其造冊報銷該部知道欽
此

委署總兵印務摺片

再江西南贛鎮總兵張佑溪因案解任提訊所遺總兵篆務前經臣請以南昌城守協副將李廷鈺暫署附摺

奏明在案茲臣接准部咨欽奉

上諭廣東潮州鎮總兵員缺著李廷鈺補授欽此當卽恭錄轉行欽遵所有南贛鎮總兵篆務應卽改委接署臣查鎮屬僅有袁州協副將林向榮一員該營壤接湖南缺居緊要未便更易查有江西撫標中軍叅將李長壽營務諳練辦事幹

勤堪以委令前往護理除檄飭遵照外理合附
片陳明伏乞

聖鑒謹

奏

道光十三年五月十六日具

奏六月十四日奉到

硃批覽欽此

估空宿州運糧河道摺子

併清單
安撫會稿

奏爲宿州挑空運糧河工丈尺銀數開單

奏報仰祈

聖鑒事竊照鳳陽府宿州境內運糧河一道承洩江蘇河南兩省各邑山湖下注之水北高南窪每逢汎水漲發陰雨頻仍附近田廬輒多淹漫前據該州請將該河加挑寬深竝去尾閘灘嘴陡灣更於城河南北多添橋孔引水暢流當經批飭藩司委員會同該州查勘實係急應挑挖之工通共估銀二萬五千七百二兩八分當經臣

等會摺

奏奉

諭旨准其借項興辦飭據該州領項據報於道光十二年四月二十日一律挑挖深通飭據廬鳳道轉委該管知府朱士達勘驗如式並無草率偷減茲據安徽布政使佟景文將挑過工長寬深丈尺銀數開單詳請具

奏前來臣等覆覈無異除飭造具估計攤徵各冊結另行詳辦外謹繕具清單恭呈

御覽伏乞

皇上聖鑒勅部覈覆施行謹

奏

謹將宿州挑過運糧河一十二長寬深丈尺銀數繕具清單恭呈

御覽

計開

第一段自城河至石橋河長三十丈

挑成口寬七丈二尺底寬四丈牽深八尺

第二段接前至玉帝廟南止河長一千零十丈

挑成口寬六丈八尺底寬四丈深七尺

第三段接前至岳家林南止河長七百八十丈
挑成口寬六丈八尺底寬四丈深七尺

第四段接前至張家橋南止河長一千七百五十丈

挑成口寬六丈八尺底寬四丈深七尺

第五段接前至桃園集止河長一千八百四十二丈

挑成口寬六丈八尺底寬四丈深七尺

第六段接前至天齊廟南止河長六百六十丈
挑成口寬六丈八尺底寬四丈深七尺

第七段接前至陳家莊止河長七百八十丈內挑攔河灘四處長三百丈

挑成牽寬四丈牽深三尺其餘四百八十丈毋庸估挑

第八段接前至呂家莊西陡灣二段河長一百一十丈取直挑深一丈二尺

挑成口寬六丈八尺底寬二丈

第九段接前至澮河口止河長三千五百四十四丈河道寬深毋庸估挑

以上共工長一萬零五百丈內除毋庸估

挑河長四千零二十丈實挑河長六千四百八十丈共估乾土九萬八千三百三十一方每方銀八分共估銀七千八百六十六兩四錢八分大礮土八萬九千一百七十八方每方銀二錢共估銀一萬七千八百三十五兩六錢二共估銀二萬五千七百二兩八分

道光十三年六月初四日具

奏七月初四日奉到

硃批工部知道單併發欽此

覆奏幫船行走遲滯有因摺子

奏爲遵

旨查明覆

奏事頃臣於五月十三日承准軍機處字寄欽奉

上諭恩銘等奏請嚴飭催償幫船一摺本年南糧幫船行走遲滯首幫甫經到通次幫卽不能跟接在後之幫節節脫空著有漕省分各督撫將受兌遲延之糧道及州縣各員先行據實嚴叅以儆怠玩竝著江南山東直隸各督撫嚴飭沿河各將弁等無分晝夜實力催償務使幫船啣尾跟接毋許片

刻停畱俾免遲誤竝著查明是否渡黃之前業已
脫空抑係渡黃之後始行脫空分別查取職名送
部議處等因欽此臣欽遵轉行有漕各地方
官及各幫船嚴行催償外伏查本年各省俱係
全漕江蘇一省則全漕之外又有補還災截漕
米二十餘萬石以頻歲災歉之餘而米數反多
於常年實屬竭蹶難支兼以自冬徂春雨雪連
綿兌開尤復不易如江西湖南船隻均係按限
開行雖有風暴損傷仍於四月底趕入瓜口湖
北則插檔在先行走更速內惟浙江尾幫於三

月二十九日始全行挽出浙境四月三十日始全入瓜口蘇松各幫於三月二十八日始掃數開出運河四月二十一日始全入瓜口雖係辦理爲難之故然比諸常年亦不甚相逕庭祇因震澤一縣辦漕延誤致阻後船行路業經糧道陶廷杰會同該管道府稟揭由臣與撫臣專摺叅辦奉

旨將該縣知縣張亨衢革職拏問查抄審辦在案又鹽城縣孔昭杰初兌稍難經前漕臣蘇成額叅奏卽於數日內趕緊兌竣列入首進邁行此外各

地方官及督催各員均係隨兌隨開隨償隨行
竝無任意遲留應請免其查取職名送議至各
幫渡黃後間有未能跟接者緣本年米重船多
較之上年幾至加倍行走本屬笨滯而清水入
黃送渡洪湖宜於收蓄故各壩未經啟放全湖
水出歸黃者十之二三入運者實有十之六七
水高則湍急險生頭二三閘提放倍極艱難是
以向來江浙船每日過閘可百數十隻今則僅
能五六十隻江廣船只三四十隻前經臣會同
漕臣將各閘漕委千總馬兆熊雲中鯤余紹洙

林汝勛擢頂示儆仍未能多爲提放實因日來黃水漸長時有起落暫將禦壩堵閉湖水全歸運河閘上倍形吃重約計尙有五百餘船及銅鉛船數起未經上閘必須刻期償辦臣現復會同漕臣河臣設法提挽將各船每上一閘積有成數卽將迤下之閘相機下板藉資擎托俟前船過竣再行啟板接提後船以次倒放源源而上較爲迅速臣仍親駐閘門守催不許一刻鬆勁以期刻日蒞事跟接北上仰副

宸廑所有查明幫船行走遲滯緣由及督催償挽刻

期可竣各情形相應據實覆

奏伏乞

皇上聖鑒謹

奏

道光十三年六月初四日具

奏七月初四日奉到

硃批覽奏均悉欽此

查鹽委員請註銷部選畱省先陞摺片

再臣查淮南抽鹽最關緊要迭經臣督飭運司

催商趕運計自本年正月以來至五月底止共

催運楚鹽四十七萬餘引江西鹽九萬一千餘

引轉輸尙無停滯惟下河場竈連歲被水煎熬

失業產鹽未能充裕以故漏私尤宜亟禁而儀

徵爲捆掣之所奸梟濶雜向多買租跑風之弊

自雍正十年於該處設立委管子鹽一員專查

夾帶透漏協理掣驗事件歷於地方佐雜及鹽

務各員按勞績委管輪年一換茲據運司詳委

江寧縣典史湯翁嗣接管前來臣查湯翁嗣在江年久雖係極末微員頗知自愛竭力奉公前於挑辦省城河道案內集夫挑挖認真出力經臣會同撫臣開單

奏奉

上諭湯翁嗣准其以應陞之缺儘先選用等因在案惟此時委管儀徵子鹽正當喫緊之際若一經部選未免少一可靠之員相應

奏明請將湯翁嗣仍畱本任遇有本省應陞之缺儘先陞用毋庸歸部先選臣爲查鹽緊要需員

謹附片陳明伏乞

聖鑒訓示謹

奏

道光十三年六月初四日具

奏七月初四日奉到

硃批另有旨欽此同日奉到六月十七日內閣奉

上諭陶澍奏查鹽得力之委員請畱省陞用等語江
寧縣典史湯翁嗣前於挑辦河道案內奏准以應
陞之缺儘先選用自應歸部鈐選惟據該督奏稱
儀徵捆鹽處所稽查夾帶透漏協理掣驗事件均

關緊要該員在江年久現在委令接管若一歸部
選少一得力之員此時兩淮釐務正資整頓姑允
所請湯翁嗣著准其仍畱本任遇有該省應陞之
缺儘先陞用毋庸歸部先選嗣後各省不得援以
爲例該部知道欽此

孟瀆等河工竣驗收摺子

蘇撫會稿

奏爲武進縣境內孟瀆得勝澡港三河挑工完竣
驗收如式竝請將節省銀兩發典生息以備歲
挑經費仰祈

聖鑒事竊照常州府屬武進縣有孟瀆得勝澡港三
河北達大江南通運河係引納潮汐接濟漕運
兼以灌溉民田之要道如遇水潦亦由該三河
宣洩入江以免壅溢爲患前因年久湮塞以致
稻田乾涸運道淺滯經臣陶澍暨前護撫臣梁
章鉅先後親往勘明必應及時挑浚估需土方

工價竝添建閘座空廢沙田拆移草房遷讓墳地共銀二十萬六千七百餘兩借動糶變緩漕米價分年攤徵還款於道光十年十月內奏奉上諭著照所請所有估需工費等項銀二十萬六千七百餘兩准其在於奏准緩漕米價銀兩動支借給該督等卽飭令該地方官督率董事實力興辦竝飭司道等隨時查察務使工不虛糜銀歸實用工竣該督等親往驗收所借銀兩著循照舊案歸於武進等六縣分別攤徵歸款此外尙餘米價銀五萬餘兩存俟籌辦濶河奏借工用該部知道欽

此當卽轉飭該府縣督率董事分段領銀實力
挑辦緣值雨雪連綿至十一年二月先將得勝
澡港兩河興挑其孟瀆河工長淤甚未能同時
並舉經臣陶澍會同陞任撫臣程祖洛

奏准緩俟是年秋後接續興辦迨得勝澡港兩河
挑至七分工次又值江潮異漲直至冬令積水
未消不能施工而該三河被水冲刷之後情形
微有不同應將各河口底寬深丈尺覆勘減估
以歸撙節又經

奏准俟十二年秋後再行興辦臣林則徐自上年

到蘇後疊催司道府縣督同委員董事等將各河未挑工段應行增減之處覆勘定議與臣陶澍會覈償辦於上年十月接續開工復值雨澤連綿工程倍爲費力直至今年四月間始報通工挑竣其應建閘座亦據購料興建一律完工臣陶澍現駐清江未及會驗臣林則徐當與藩司陳鑾先後親往驗收查覈該三河工段內孟瀆河南段自奔牛鎮萬綠橋運河口起至小河口及北段石橋灣河口起至塔山壩堤並孟永洲至丹陽縣六沙大圩超瓢港江口止共河長

一萬三千六百十六丈三尺估挑口寬六丈至
十二丈底寬二丈至四丈五尺挑深六尺至一
丈二尺五寸不等又得勝河自運河連江橋進
口起至江口止河長七千四百四十四丈五尺
五寸估挑口寬四丈至十丈底寬一丈六尺至
四丈挑深三尺四寸至七尺五寸不等又澡港
河自燕子河工首起至江口止河長五千四百
四十八丈四尺估挑口寬三丈五尺至十丈底
寬一丈四尺至六丈挑深一尺至六尺不等按
照估冊逐段量明丈尺均已如式竝據稟報孟

河段內挑出江船一隻船身量長三丈有餘驗
明係久涇河底歷屆挑河未經挖出之陳物該
處土人交相歎異其開工自頂至底逐一驗量
亦俱堅固竝無草率偷減惟附近岸灘間有堆
貯河泥業經飭令剷撈淨盡翻貯遠處以免坍
卸入河隨令開壩放水測探三河水勢自五六
尺至八九尺均係一律深通溯查該三河距前
屆興挑之時遠者垂七十年近者亦二十載均
因淤沙漸積涇塞不通運道農田交受其累仰

蒙

聖恩准其借款疏濬民辦官稽毫不假手吏胥一清
挑河積弊統計孟瀆得勝澡港三河開挑工段
共長二萬六千四百餘丈灌溉武進縣田二十
九萬四千六百餘畝其陽湖無錫金匱宜興荆
溪各縣亦各分沾其利從此運道無虞淺阻而
農田亦免旱澇之傷藉以仰副

皇上惠溥羣黎永資利賴之至意惟該河岸土鬆浮
每易坍卸加之往來潮汐不免沙積淤停仍須
間年擇段疏挑俾河身永臻通暢此項工費民
力不能屢捐亟應預爲籌備查三河原估銀二

十萬六千七百餘兩現在通工用過土方夫工
料物等項共銀一十八萬九千六百六十七兩
八錢七分六釐又添車戽雨水實用水方夫工
銀六千九百三十四兩五錢六分四釐較原估
計節省銀一萬一百二十二兩二錢一分二釐
應請仍照原估銀數攤徵歸款卽以此項節省
之銀歸於武進陽湖二縣發典按月一分生息
將息銀解存司庫作爲該河歲修經費俾得間
年擇段疏濬永不停淤似於

國計民生兩有裨益至孟瀆河起瓢港新口及護

城河各處空廢民田雖已給發價值但已成廢地自應飭令查明字號畝數將額完課銀詳請咨部豁除庶民間免受虛糧之累除催取估計攤徵各冊結及應豁空廢田畝錢糧數目分別題咨外所有驗收挑工緣由謹合詞恭摺具

奏伏乞

皇上聖鑒謹

奏

道光十三年六月初十日具

奏七月十六日奉到

硃批另有旨欽此全日奉到六月二十六日內閣奉
上諭陶澍等奏驗收武進縣境內三河挑工並籌備
歲挑經費一摺江蘇常州府屬武進縣孟瀆德勝
滌港三河據該督等奏稱通工挑竣驗收如式惟
該河身尙須間年擇段疏挑俾資通暢此項工費
民力不能屢捐自應豫爲籌備所有原估銀二十
萬六千七百餘兩除現在通工用過工費等項銀
兩外計節省銀一萬一百二十二兩零著照所請
准其仍照原估銀數攤徵歸款卽以此項節省之
銀歸於武進陽湖二縣發典生息將息銀解存司

庫作爲該河歲修經費俾運道農田永資利賴其
孟瀆河超瓢港新口及護城河各處空廢民田着
查明字號畝數將額完課銀咨部密除以省虛糧
之累該部知道欽此

挑河工竣請獎敘出力官紳董事摺子

併清單
蘇撫會

稿

奏爲查明挑濬孟瀆等河工程繁鉅謹將尤爲出力之官紳董事分別奏懇

天恩量加獎勵仰祈

聖鑒事竊照武進縣境內孟瀆得勝淩港三河挑工

竝建設閘座一律完竣經臣林則徐與藩司陳

夔先後親往驗收竝無草率偷減除另摺

奏報外伏查該三河挑工先經臣

陶澍會同前護

撫臣梁章鉅

奏明選舉董事余保純等分段領銀挑辦官爲稽
察通計三河工段共有二萬六千餘丈之多挑
深六七尺至丈餘不等港汊叢雜道路綿長自
道光十一年二月開工以來疊爲雨水所阻上
年十月續行興辦偏值冬春兩季雨雪連綿復
歷半載有餘始得一律全完驗明如式其間官
員紳董辛苦賠累之處實有數倍於他工者緣
該處土性多係澇淤與徒陽運河之猪婆灘等
工情形相似河心甫浚泛沙復涌而上浮邊土
削齊坵岸旋傾而下積鑿冰則晝開夕合滲水

則暮厚朝盈是以一段之工有復挑三四五次始能勻淨者且當雨雪連綿之際惟冀待霽施工通工人夫不敢任其散去逐日計口授食爲時愈久則所費愈多在董事不能無賠貼之夫工而官員尤不能無捐貲之犒賞然各急公踴躍效命忘勞俾利溥於百年而功成於衆志查自道光十年至今在事各員內除前任藩司梁章鉅桂良署任藩司額騰伊現任藩司陳鑾皆經籌議周詳督催盡力但係藩司大員均不敢仰邀議敘外其府縣以下及承辦之紳衿董事

於節次勞累之中俱能實力實心工成効著似
應酌加獎勵以勸勞績而順輿情茲據蘇州藩
司陳鑾查明出力官紳董事開摺詳請具

奏前來臣等查道光八年挑辦吳淞江案內仰蒙
恩准陞用者十一員儘先選補者五員從優議敘者
十三員此次孟濱得勝凜港二河工次人數衆
多惟當力加刪減未敢多登薦牘謹擇其最爲
出力者開具清單恭呈

御覽可否仰懇

天恩量加鼓勵之處出自

聖主鴻施此外出力稍次人員由臣等在外分別記
功給獎理合恭摺具

奏伏乞

皇上聖鑒訓示謹

奏

謹將挑浚孟瀆得勝澡港三河及閘座工程尤
爲出力之官員董事註明實蹟分別開單恭呈
御覽

計開

印委各員

常州府知府汪河署武進縣事金壇縣知縣姚瑩

以上府縣二員該府汪河督籌率作悉協機宜該縣姚瑩總理三河認真激勸均屬殫心竭慮備著勤勞惟究係地方應辦之事不敢遽請陞用應請交部從優議敘

署常州府總捕通判試用同知高煥

該員督辦孟濱河自備資斧常川駐工任怨任勞實心催辦查該員有補官日因公降一級處分應請開復處分歸本班儘先補用

常州府照磨羅在爵宜興縣縣丞汪仁金匱縣望亭巡檢張訓遙宜興縣下邳巡檢管兆蕃

以上四員羅在爵分催澡港河工段兩次開挑疊遭雨雪該員一手經理悉臻妥協汪仁總催孟河北段爲全河最要之工催辦有方勸懲得法張訓遙分催小河江口工段淤沙涌出挑挖最難又督辦開工辛勤獨久管兆蕃分催孟河工段雨夜在工不辭勞瘁請以應陞之缺儘先陞用

試用主簿吳城沈之彥

該二員所催孟河工段挑挖綦難催辦認真較分段諸員勤勞尤著請以本班儘先補用在工董事

前任廣東南雄直隸州知州余保純

該員係武進縣人由嘉慶七年進士簽掣廣東以知縣卽用題補高明縣知縣掣獲積年逸犯多名奏准留於廣東以同知直隸州陞用先換頂戴旋調番禺縣知縣

大計卓異

奏准陞補南雄直隸州知州嘉慶二十四年呈請

終養回籍道光八年丁母憂十年服滿因開
挑孟瀆等河奏明選舉該紳爲董事總理三
河全局任勞任怨籌畫精詳善始圖終悉臻
妥協實爲董事中第一出力之員查該員素
裕吏才在粵東官聲久著可否邀

恩陞用抑或

賞加知府銜之處恭候

聖裁

文舉人言啟方

該舉人係武進縣人中式道光辛巳科順天

下志シテラノニラシクシ
三三
鄉試與余保純在籍同辦挑工分任勤勞查
從前海運案內崇明縣舉人施彥士奏准以
知縣用今該員在事出力未敢率照知縣請
獎可否酌用教職以示鼓勵

候選州吏目趙焜未入流朱鑑泉

該二員董事在工勸督人夫均極認真出力
趙焜係酌增事例捐納州吏目朱鑑泉係酌
增事例捐納未入流應請飭令照例捐足分
發發掣省分試用期滿儘先補用

議敘從九品職銜某遇良

該職員經理通河挑工首先出力始終其事
最耐勤勞查從前海運案內船商費元墀由
監生加給六品頂帶今該職員本係從九品
職銜承辦挑工不遺餘力可否援案加給六
品職銜以示鼓勵

道光十三年六月初十日具

奏七月十六日奉到

硃批另有旨欽此同日奉到六月二十六日內閣奉
上諭陶澍等奏挑浚孟瀆等河工竣請將出力之官
紳董事分別獎勵一摺江蘇武進縣境內孟瀆德

勝澡港三河挑工竝建設閘座一律完竣所有出力之官紳董事等應量予恩施常州府知府汪河署武進縣事金壇縣知縣姚瑩俱著加恩交部從優議敘署常州府總捕通判試用同知高煥著將降一級處分開復歸本班儘先補用常州府照磨羅在爵宜興縣丞汪仁金匱縣望亭巡檢張訓遙宜興縣下邳巡檢管兆蕃俱著以應陞之缺儘先陞用試用主簿吳城沈之彥俱著以本班儘先補用前任廣東南雄直隸州知州余保純着賞加知府銜舉人言啓方着以教職用候選州吏目趙焜

未入流朱鑑泉俱着捐足分發簽掣省分試用期
滿儘先補用議敘從九品職銜巢遇良著加給六
品職銜以示鼓勵該部知道欽此

請將糶變米價銀兩畱爲湊挑劉河之用摺片
再江南省蘇州藩司所屬之四府一州均係水
鄉且爲財賦最重之區年額應徵地丁漕項正
耗共銀二百餘萬兩漕白起運米一百五六十
萬石賦出於田田資於水故水利最關緊要查
蘇松水利以吳淞黃浦劉河爲大謂之三江道
光四年間臣林則徐在江蘇臬司任內欽奉

諭旨總辦三江水利因值丁憂回籍未及辦理其時
將黃浦一路工程先行擇要委員挑辦嗣吳淞
江淤塞僅存一綫涓流道光八年間臣陶澍在

巡撫任內

奏准興挑竣事迨十一年間大水爲災蘇松二屬
幸有挑深之黃浦吳淞爲之宣洩其劉河白茆
孟瀆等河臣陶澍於吳淞收工摺內附片聲明
分年籌辦嗣請借糶七年徵剩及八年帶徵緩
漕爲挑浚劉河之用經部駁令籌借別款因玉
鉅費繁別無閑款可籌覆議暫緩道光十年又
經奏請將各屬緩漕搭運剩米十數萬石糶變
暫借動以爲劉河孟瀆挑工經費攤徵歸款仰

蒙

俞允旋復籌議先挑孟瀆得勝淩港三河所需工費
卽於緩漕米價銀內動支借給併聲明尙餘米
價銀五萬餘兩應照奏定之案存俟籌辦劉河
奏借工用欽奉

諭旨准行在案臣等伏查劉河爲三江之一絲長七
八十里上自太湖東北迤邐而來至新陽縣界
與吳淞江分流而東遶太倉州城南歷鎮洋嘉
定等界東入於海爲農田灌溉宣洩要道自道
光三年水災之後沙泥停積蓄洩難資近來淤
墊更高幾成平陸以致太倉闔屬棉花稻穀頗

歲歉收徵辦錢漕極形棘手且下游壅塞卽爲上游蘇松一帶水道之梗若不亟加疏浚一遇旱澇之年非淹卽涸不特民生受困抑且蠲緩賑卹入少出多於

國計尤有關係是劉河必應挑辦實爲目前萬不可緩之工所有糶變米價餘剩銀五萬餘兩自應欽遵原奉

諭旨畱爲湊挑劉河之用惟工長費鉅或應就款擇要先挑或應另籌款項湊辦尙須確勘妥議臣等現飭藩司委員悉心查勘通盤熟籌商辦俟

覆到再行奏

開理合附片陳明謹

奏

道光十三年六月初十日具

奏七月十六日奉到

硃批覽欽此

三進軍船灌塘放渡情形摺子

總河會稿

奏爲三進軍船灌塘放渡情形及過船數目恭摺

據實具陳仰祈

聖鑒事竊照_臣等前將黃水長發堵閉新河在後漕

船仍照灌塘辦理緣由先後具

奏在案_臣等隨卽分投前赴各閘壩加緊提催至

初七日僱入塘河軍船五百四十五隻卽將臨

清堰堵閉於初八日卯刻啟拆草閘開放臨黃

堰甫將杭嚴四一幫提放北渡後適值河水驟

長濁浪如山兼遇西風鼓蕩直注塘河轉瞬之

開長水數尺臣等查看禦黃二壩及臨清堰十分吃重設有疎虞貽誤匪淺且軍船挽出臨黃堰一人中泓卽隨大溜東下淌至十數里之遠方始傍岸不能對渡進口亦屬冒險之至會同商酌趕將草閘外口用料堵閉臨黃土堰澆築寬厚以資慎重所有放渡軍船四十九隻飭令北岸多備緯夫陸續挽洩入口日來接據豫省文報始知萬錦灘於五月二十九日竝六月初四初五等日三次長水九尺七寸沁河於五月二十五二十七兩日長水五尺七寸洛河於五

月二十七日長水二尺五寸各來源於數日之內共長水一丈七尺九寸滙歸下注是以江境黃河漲滿非常查驗外南廳順黃壩誌椿積存長水至四丈零九寸統計兩旬以來共長水八尺餘寸較比上年黃水最大年分僅小一尺二寸較之十一年盛漲已大二寸兩日來察看河水已消尺餘卽於十二日午刻啓除外口草壩竝臨黃土堰將杭嚴二等幫跟艖放渡截至十三日江西永建幫止共渡船三百三十一隻適黃水又復見長水色渾濁異常草閘內外登時

淤墊止餘水深三尺二寸後船不能浮送卽仍將外口堵閉計此一塘兩次共渡船三百八十三隻尙有江西八幫湖南三幫共船五百五十三隻止可再作一塘放渡此次辦理之艱實緣節候已交三伏正當水性怒發之際來源旣驟挾沙又重以致塘河易於受淤臣等悚懼之餘尤深焦急惟所餘船隻無多但得風色順利水勢稍平數日內亦可灌渡完竣恐勞

宸念謹會同漕運總督臣貴慶恭摺出驛奏

聞伏乞

皇上聖鑒謹

奏

道光十三年六月十四日具

奏六月二十六日奉到

硃批務要妥速辦理勉之欽此

挈獲強搶盜犯督率審辦摺片

再上下江接壤及界連東豫之徐淮鳳泗等屬水陸交錯最利藏奸此挈彼竄爲害地方而災歎之後尤宜刻加防範經臣節飭營縣嚴密查

挈期於有犯必獲自上年冬季以來據徐州城守營把總杜士玉前後報獲搶刦命盜等犯一百餘名分解犯事地方訊辦又據署沛縣朱榮桂稟報聞得山東查挈教匪靳希卜帶同子姪逃竄竝准山東移會卽經該縣首先挈獲教首靳希卜解東歸案審辦續又將案內人犯燕書

典吳景淑等四名挈獲現在訊明分別解質又據豐縣知縣王元本稟獲太監鄭進祿係放出爲民呈有執照現在咨查內務府辦理又據宿州知州張應雲懷遠縣張清元稟報挈獲捻首張紅頭等二十餘名解省審辦各路緝捕緊急而洪澤湖港汊紛歧杳漫一片尤爲叢垢之藪迭經臣分委員弁絡繹搜查復派素能緝捕之高資營把總劉長清候補從九品孫豐及泗州州判葛重光把總黃永清等分往嚴挈竝通飭沿湖州縣營汛設法兜擒接據劉長清等及各

營縣稟報已獲強搶良家婦女脫逃多年之倭
匪郭三銀及強搶米鹽船隻之馬八沙四沙可
興海力兒蔣殿平鎖周兒等其人犯數十名解
審前來臣卽就近飭委淮揚道督率清河縣及
委員等嚴切訊究一俟審明卽出臣在浦覆勘
辦理俾昭儆惕而靖地方合先附片奏

聞伏乞

聖鑒謹

奏

道光十三年六月十六日具

奏七月十六日奉到

硃批必當嚴行懲辦欽此

籌議洪澤湖移設都司摺子

奏爲洪澤湖地方緊要酌籌移設都司專營以資
巡防仰祈

聖鑒事竊照地方設有專營操巡竝重其有今昔情
形不同不得不量爲更改者仍准隨時調劑歷
經遵辦有案今查洪澤湖地方爲江南安徽兩
省交界江南係河標中右兩營及漕標淮安城
守營汛城安徽係泗州營管轄該湖收納汝潁
淮泚渦淝雒泗睢滄大小數十水週迴五六百
里水面寬濶四通八達廬鳳潁泗徐淮各處棍

徒以及山東之沂郯滕嶧曹單等處回匪往來其間爲逋逃藪其形勢與江浙兩省界連之太湖相同而納污藏垢爲更甚太湖設有內河水師專營巡防嚴密以故奸宄未易潛滋洪澤湖爲江安兩省商賈民船往來要道竝未設有內河水師專營匪徒出沒湖中往往有乘機糾搶之案且兩省營汛鴛遠聲氣未能聯絡此挈彼竄稽察難週現當票鹽盛行湖行尤須安穩疊經臣分派文武員弁四路搜拏獲犯嚴辦冀可稍知斂跡但必須如太湖設有專營俾昭控制

而嚴巡防庶湖面永期肅清而商販不致裹足
臣查海州營錢家集地方向係梟販總匯之區
經前督臣百齡

奏請設立都司一員隨帶千總一員把總一員外
委二員額外二員兵丁二百名移駐歸漕標就
近調遣嗣以差遣不敷復經臣添設額外二員
在案蓋因海州爲出鹽之地其時引地滯銷場
鹽堆積鹽無出路梟徒日多劫搶拒捕凶殺之
案無時不有是以設立專營藉資彈壓今淮北
引地改爲票鹽客販挾資而來買鹽而去毫無

阻滯來者雲集場池所產鹽勛僅供民商收買
無須與梟匪私相授受而梟匪亦因勾引無人
無所獲利自行解散以故海州一帶安集綏救
已迥非向日情形錢家集地方似可毋須都司
駐劄弁兵亦可裁減應請卽以錢家集都司改
爲洪澤湖都司仍爲在外題補之缺隨帶把總
一員外委一員額外二員馬步戰守兵丁一百
四十名駐劄洪澤湖之老子山等處作爲內河
水師營改隸河標中營兼轄仍酌畱千總一員
外委一員額外二員馬步戰守兵丁除上年裁

減四名外實餘存兵丁五十六名悉數巡防錢家集汛地仍歸海州營叅將管轄如此一轉移間錢家集地方仍有千總等弁兵分駐不致疎漏而於洪澤湖緊要地方有都司等員弁居中駕馭復有河標中右兩營淮安營泗州營四面策應庶奸匪無從躲匿湖面肅清不特民屢安枕而商旅票販亦得坦行攸賴惟陸路改爲內河水師於營制稍有未協第當地方緊要不得不因時制宜合無仰懇

聖恩俯准以錢家集都司改爲洪澤湖內河水師都

司隨帶把總外委額外移駐老子山等處實於
地方鹽務兩有裨益如蒙

俞允所有現任都司等員弁兵丁皆屬陸路一時無
可改補應卽於臣所屬內河水師內酌挑弁兵
數名來洪澤湖指引先行僱募民船駕駛緝捕
以靖湖匪而安商旅仍察看移駐各員弁兵丁
能否勝任再行改補調撥一面先募水手兵數
十名以資駕船行駛移駐之官弁兵丁俸餉馬
乾等項均照錢家集原額支領此外攜帶軍械
添設巡哨船隻並移建衙署兵房改鑄印信分

管界址一切未盡事宜由臣督同江安藩臬運司詳查籌議分別

題咨辦理臣爲地方鹽務起見謹會同署南河督

臣張井漕運督臣貴慶合詞恭摺具

奏伏乞

皇上聖鑒訓示謹

奏

道光十三年六月十六日具

奏七月十六日奉到

硃批兵部議奏欽此

道光十三年八月初六日准

兵部咨議覆海州營錢家集都司一員把總一員外委一員額外二員馬步戰守兵一百四十六名准其移駐洪澤湖之老子山等處作爲內河水師營分歸河中營兼轄其沿湖之江蘇安徽各陸路汛地舊經設有弁兵今既設立水師專營應如何分管界址令該督詳悉定議報部立案其洪澤湖新設都司定爲在外題補之缺應令揀選熟悉地方諳練內河水師之員題請陞補把總外委各弁缺亦令分晰司哨揀拔報部

其海州營錢家集仍准其酌留千總一員外委一員額外二員馬步戰守兵五十六名巡防錢家集汛地仍歸海州營叅將管轄惟該處原因梟匪聚集節經奏添官兵今僅留千總一員外委一員額外二員馬步戰守兵五十六名是否足資彈壓應令察看情形隨時辦理至原設海州營錢家集都司陸棠係陸路營員今員缺裁汰應飭令該員照例赴部候補至所裁把總一員外委一員額外二員另於陸路營分拔補等因於道光十三年七月初八日奉

旨依議欽此

重運漕船全數渡黃完竣摺子

總制會稿

奏爲重運漕船全數渡黃完竣循例由驛恭摺具

報仰祈

聖鑒事竊查臣等昨將三進在後軍船灌塘放渡情形於十四日具摺奏

聞在案隨將臨黃一面開堰堵閉啓放臨清堰催令江西湖南各幫其船五百五十三隻全數入塘澆築臨清堰堅穩後適值大河黃水遞消卽於十九日卯刻刷開臨黃土堰將在塘軍船循序放渡風色尙屬順利無如水色渾濁異常每時

增淤數寸又兼黃水陡落至二十日辰刻甫過
船三百一十三隻清黃交匯處水深止存三尺
三四寸江廣幫吃水過重即使起剝米石亦難
浮送不得不將臨黃堰仍行堵閉復將臨清堰
啓除放出塘内存水隨即趕緊堵合察看水勢
風色於二十三日又復啓放臨黃堰俟將存塘
之江西湖南軍船於二十四日未刻全數渡黃
北上查本年重運全漕除在黃河以北兌運一
幫外實計渡黃船九十五幫共四千一百八十
二隻自三月十八日啓放開堰清水浮送兩月

有餘至六月初八日仍用漕塘放渡迄今完竣之日止通計九十五日比較上年重運漕船於六月初二日完竣計遲二十二日比較十一年重運漕船於五月初十日完竣計遲四十四日比較十年有閏之年重運漕船於閏四月十九日完竣計遲三十餘日而本年船數較多比之上年幾至加倍且每船米數更重如蘇松等屬全漕之外復有加帶災截補還之米二十萬石船行倍形吃重又向來銅鉛船隻例應讓漕本年因京鑪停鑄待銅迭奉

諭旨嚴催隨卽插檔打放滇運銅船張立方曾毓璜
李恒謙等三起迨各幫攢集待渡則已時交大
汛清黃先後漲發上閘倍極艱難灌塘尤形棘
手臣等竭力備挽深虞或至貽誤仰賴

聖主福庇河水驟長旋消風色順多逆少俾得相機
籌辦陸續全完而清水送漕逾兩月之久不但
漕行較順而於河底亦漸就刷深較之頻年以
來似覺微有轉機至中運兩河水勢充足行走
均屬妥速據報截至六月十九日止挽出江南
黃林莊船七十三幫計三千一百十六隻臣等

仍在飛飭嚴催以期早達

天庾在後銅鉛船隻尙有十起應行另放一塘俾得
隨漕北上弗任稍延所有重運全漕渡黃完竣
日期謹循例會摺由驛

奏報伏乞

皇上聖鑒再臣陶澍於拜摺後卽回省辦事臣貴慶

督押尾幫沿途催僦前進臣張井擬卽前赴揚

河查勘各工合併陳明謹

奏

道光十三年六月二十四日由驛具

奏七月初九日奉到

硃批知道了欽此

額請

陛見摺子

奏爲

微臣

抵任兩江已逾三載謹陳瞻戀下忱恭

摺額請

陛見仰祈

聖鑒事竊臣於道光十年八月蒙

恩簡畀兩江總督竝奉

諭旨毋庸來京陛見臣感荷

渥恩凜遵

聖諭未敢瑣賁其時地方公務叢繁鹽鹺尤爲棘手

臣奉

命兼理亟需整頓嗣復三省同災疊遭水患流離百萬待哺嗷嗷繼而馬灣龍汛接次决漫籌運籌河刻難就緒緝私詰伍奔走未遑凡此數年之內實爲諸艱並集之時竭駑支持日不暇給是以上年已屆述職臣仍未敢循例陳請而瞻念闕廷實無刻不縈寤寐茲幸仰叨

福庇暘雨依時閭教靖全漕穩渡河汛安瀾鹽務漸有起色凡地方應辦之事俱已次第就理藉紓

宵旰蟻慕微忱彌增企戀計臣自道光九年獲睹

天顏親承

誨命旋回蘇州撫署現在總督任內雖祇三年通前
實已五載蒲柳之姿鬚髮皆霜已非舊質而犬

馬戀

主之誠尤宛轉於中而不能自己兼地方一切庶務

碌

所論雖是然職守繁重祇可暫委

有愚慮所不能及奏牘所不能詳者尤須面陳

聖主之前庶幾仰稟

宸謨獲資遵守合無仰懇

聖慈准臣入都展

甄葵蒞私衷不勝翹竚如蒙

俞允所有兩江總督篆務可否卽交江蘇巡撫臣林
則徐署理俾臣得以迅速俾裝恭候

諭旨遵行所有臣期屆述職依戀下忱謹繕摺具

奏伏乞

皇上聖鑒謹

奏

道光十三年六月二十八日具

奏八月初一日奉到

硃批可暫緩來京下屆奏請可也欽此